

بِسْمِ اللّٰهِ الرَّحْمٰنِ الرَّحِیْمِ

BOSNIAKISKA ISLAMISKA SAMFUNDET
ISLAMSKA ZAJEDNICA BOŠNJAKA U ŠVEDSKOJ



ILMIHAL

3



BOSNAKISKA ISLAMISKA SAMFUNDET
ISLAMSKA ZAJEDNICA BOŠNJAKA U ŠVEDSKOJ

SADRŽAJ

BLAGDANI MUSLIMANA	3
MUBAREK NOĆI I DRUGI ZNAČAJNI DATUMI	4
EZAN	6
IKAMET	6
SABAH-NAMAZ	7
ŠTA KVARI ABDEST?	8
PODNE-NAMAZ	9
IKINDIJA-NAMAZ	10
RAMAZANSKI POST	11
ZEKAT – SADAKA	12
SURA EL-KAFIRUN	13
JACIJA-NAMAZ	14
VITR-NAMAZ	15
BOŽIJE KNJIGE	16
VE KUTUBIHI	16
BOŽIJI POSLANICI	17
VE RUSULIHI	17
ADEM, A.S.	18
NUH, A.S.	19
HADŽ	20
SURA EL-MA'UN	21



NYKTERHETSRORELSENS
BILDNINGSVVERKSAMHET

Izdavač:

Islamska zajednica Bošnjaka u Švedskoj
Adresa: Åkerssjövägen 10, 46153 Trollhättan
Tfn: 0520 499064 Mobil: 076 310 2447
E mail: kontakt@izb.se
www.izb.se

BLAGDANI MUSLIMANA

Muslimani imaju dva blagdana:

- **Ramazanski bajram i**
- **Kurban-bajram**

Ramazanski bajram je blagdan koji muslimani svečano obilježavaju po isteku zadnjeg dana ramazana u znak veselja što su izvršili dužnost ramazanskog posta, klanjali teravih-namaze, posjećivali džamiju i slušali predavanja, pa se nadaju Allahovoj milosti i nagradi.

Kurban-bajram je blagdan koji muslimani obilježavaju 10, 11, 12. i 13. dana mjeseca zulhidždžeta.

Osim obavljanja bajram-namaza, u toku Kurban-bajrama muslimani kolju kurbane i dijele kurbansko meso na propisani način.

Kurbansko meso je najbolje podijeliti na način koji je preporučio sam Muhammed, a.s.: meso se razdjeli na tri jednaka dijela, tako da se 1/3 podijeli siromasima, 1/3 rodbini, komšijama i prijateljima, a preostala trećina zadrži za sebe i svoju porodicu.

Lijepo je u danima Bajrama:

- očistiti i uljepšati kuću i džamiju,
- prije odlaska na bajram-namaz okupati se i namirisati,
- obući najljepšu odjeću,
- jesti prije ramazanskog bajram-namaza, a na Kurban-bajram jesti tek poslije namaza,
- učiti tekbire na putu do džamije, kao i u samoj džamiji,
- udijeliti sadaku,
- otići u džamiju jednim putem, a vratiti se drugim,
- posjetiti rodbinu i prijatelje.

Bajram čestitamo riječima:

BAJRAM ŠERIF

MUBAREK OLSUN!



Na ove riječi uzvraćamo:

ALLAH RAZI OLSUN!

Tekbiri-tešrik su riječi kojima u danima Kurban-bajrama veličamo Allaha. Tekbiri-tešrik učimo od sabaha dana prije Bajrama pa do ikindije četvrtog dana Bajrama, i to poslije selama svakog farz-namaza.

Tekbiri-tešrik glasi: **ALLAHU EKBER; ALLAHU EKBER; LA ILAHE ILLALLAHU VALLAHU EKBER; ALLAHU EKBER VE LILLAHI-L-HAMD!**

Pitanja:

1. Koliko muslimani imaju Bajrama?
2. Kada se obilježavaju muslimanski blagdani?
3. Kako se dijeli kurbansko meso?
4. Šta je lijepo u danima Bajrama?
5. Kako se čestita Bajram?
6. Kako glasi tekbiri-tešrik i kada se uči?

MUBAREK NOĆI I DRUGI ZNAČAJNI DATUMI



Muslimani naših krajeva prigodno obilježavaju sljedeće dane:

- **Nova muslimanska hidžretska godina**, koja se računa od dana selidbe Muhammeda, a.s., i prvih muslimana iz Meke u Medinu.
- Mubarek noći: **Lejlei-regaib** je prva odabrana noć u mjesecu redžebu i poznata je kao noć želja.

Lejlei-miradž je noć poznata kao noćno putovanje. To je noć u kojoj je Muhammed, a.s., uz Božiju pomoć uzdignut do mjesta do kojeg nikad niko od ljudi ni prije ni poslije njega nije stigao. Na tom mjestu je Muhammed, a.s., razgovarao s Uzvišenim Bogom, vidio džennet i džehennem. Na ovom putovanju muslimanima je Bog propisao klanjanje pet dnevnih namaza.

Lejlei-berat se nalazi u mjesecu šabanu i to je noć oprosta i oslobađanja od vatre. Poznata kao noć u kojoj meleki počinju pisati sudbinu čovječanstvu za iduću godinu.

Lejlei-kadr je najvažnija noć u islamskom kalendaru. To je najodabranija noć, vrednija od hiljadu mjeseci. Noć kada su objavljeni



prvi ajeti iz Kur'ana. Lejlei-kadr se nalazi u posljednjoj trećini mjeseca ramazana.

Dan šehida – drugi dan Ramazanskog bajrama u Bosni i Hercegovini obilježavamo kao Dan šehida. Na taj dan se sjećamo šehida koji su poginuli za državu Bosnu i Hercegovinu kada je bio rat. Posjećujemo njihova mezarja i učimo Ja-Sin i Fatihu svojim najbližim, šehidima i svim muslimanima i muslimankama.


Mevlud – 12. rebiul-evvela se svečano obilježava rođendan Muhammeda, a.s., tada muslimani i muslimanke različitim prigodnim programima, predavanjima, izložbama i učenjem mevluda kazuju o životu Muhammeda, a.s.

Dan džamija – Islamska zajednica u BiH sedmi maj obilježava kao Dan džamija, u znak sjećanja na dan kada je u Banjoj Luci 1993.

godine, za vrijeme rata u BiH, srušena džamija Ferhadija, jedna od najznačajnijih džamija u našoj zemlji. Za vrijeme rata je srušeno oko 1000 objekata Islamske zajednice, od kojih je 613 džamija.

Dan Srebrenice se obilježava svakog 11. jula. To je dan sjećanja na šehide Srebrenice koji su ubijeni u genocidu 1995. godine.

Bosna i Hercegovina ima dva nacionalna državna praznika. To su 1. mart **Dan nezavisnosti BiH** i 25. novembar **Dan državnosti BiH**.



REMEMBERING SREBRENICA

Pitanja:

1. Koje dane posebno obilježavaju muslimani naših krajeva?
2. Koje su mubarek noći i po čemu su poznate?
3. Kada se i zašto obilježava Dan šehida?
4. Kada se svečano obilježava Mevlud?
5. Kada se i zašto obilježava Dan džamija?
6. Kada se obilježava Dan Srebrenice?
7. Koji su nacionalni dani države Bosne i Hercegovine?

EZAN



ALLAHU EKBER! 4x (Allah je najveći!)
EŠHEDU EN LA ILAHE ILLALLAH! 2x
(Svjedočim da nema boga osim Allaha!)
EŠHEDU ENNE MUHAMMEDER-
RESULULLAH! 2x
(Svjedočim da je Muhammed, a.s., Božiji poslanik!)
HAJJE' ALESS-SALAH! 2x (Dođite na namaz!)
HAJJE' ALEL-FELAH! 2x (Dođite na spas!)
ALLAHU EKBER! 2x (Allah je najveći!)
LA ILAHE ILLALLAH! 1x (Nema boga osim Allaha!)



IKAMET



ALLAHU EKBER! 4x
(Allah je najveći!)
EŠHEDU EN LA ILAHE
ILLALLAH! 2x
(Svjedočim da nema
boga osim Allaha!)
EŠHEDU ENNE
MUHAMMEDER-
RESULULLAH! 2x
(Svjedočim da je Muhammed, a.s., Božiji poslanik!)
HAJJE' ALESS-SALAH! 2x (Dođite na namaz!)
HAJJE' ALEL-FELAH! 2x (Dođite na spas!)
KAD KAMETIS-SALAH! 2x (Namaz počinje!)
ALLAHU EKBER! 2x (Allah je najveći!)
LA ILAHE ILLALLAH! 1x (Nema boga osim Allaha!)

اللَّهُ أَكْبَرُ اللَّهُ أَكْبَرُ، أَشْهَدُ أَنْ لَا إِلَهَ إِلَّا اللَّهُ، أَشْهَدُ أَنْ
مُحَمَّدًا رَسُولُ اللَّهِ، حَيَّ عَلَى الصَّلَاةِ، حَيَّ عَلَى الْفَلَاحِ، قَدْ
قَامَتِ الصَّلَاةُ قَدْ قَامَتِ الصَّلَاةُ، اللَّهُ أَكْبَرُ اللَّهُ أَكْبَرُ، لَا إِلَهَ
إِلَّا اللَّهُ-

Zadatak:

1. Nauči ezan i ikamet sa značenjem na bosanski jezik!
2. Pronađi na internetu ezan i poslušaj!
3. Muškarci trebaju znati proučiti ezan!

SABAH-NAMAZ



Sabah-namaz se klanja od zore do pred izlazak Sunca.

Ima 4 rekata i to:

2 sunneta i 2 farza.

Sunnet se zanijeti na arapskom jeziku ovako:

NEVEJTU EN USALLIJE LILLAHI TE'ALA SALATE
SUNNETI-L-FEDŽRI EDAEN MUSTAKBILEL KIBLETI
ALLAHU EKBER

Farz se zanijeti:

NEVEJTU EN USALLIJE LILLAHI TEALA SALATE
FARDI-L-FEDŽRI EDAEN MUSTAKBILEL KIBLETI ALLAHU EKBER



	SUNNET	FARZ
1. rekat	Subhaneke Euzubillah Bismillah El-Fatiha Jedna sura	Subhaneke Euzubillah Bismillah El-Fatiha Jedna sura
2. rekat	Bismillah El-Fatiha Jedna sura	Bismillah El-Fatiha Jedna sura
Sjedi se i uči	Ettehijjatu, salavati i dova	Ettehijjatu, salavati i dova

Na rukū`u učimo tri puta: Subhāne Rabbije-l-azim!

Potom se sa rukū`a vraćamo na kratko stajanje i izgovaramo:

Semi`allāhu li-men hamideh!

Na kratkom stajanju izgovaramo: Rabbenā leke-l-hamd!

Potom izgovarajući Allāhu ekber, spuštamo se na prvu sedždu, gdje izgovaramo tri puta: Subhāne Rabbije-l-e`alā!

Dižemo se u sjedeći položaj izgovarajući: Allahu ekber, a onda opet na sedždu, gdje izgovaramo tri puta: Subhāne Rabbije-l-e`alā! Ustajemo na drugi rekat.

Pitanja:

1. Koliko sabah-namaz ima rekata i kada se klanja?
2. Kako se zanijeti sunnet, a kako farz sabah-namaza?
3. Šta se uči na prvom rekatu kod farza i sunneta sabaha?
4. Šta se uči na drugom rekatu kod farza i sunneta sabaha?
5. Šta učimo na ruku`u?
6. Šta učimo kad se vratimo sa ruku`a?
7. Šta učimo na sedždi i koliko puta činimo sedždu na svakom rekatu?

ŠTA KVARI ABDEST?



Abdest je vjersko pranje određenih dijelova tijela radi namaza, prihvatanja Kur'ana i sl. Lijepo je uvijek biti pod abdestom.

Abdest kvari:

1. Obavljena velika ili mala nužda.
2. Puštanje vjetra.
3. Isticanje iz tijela: krvi, gnoja, sukrvice – na bilo koji način.
4. Povraćanje, iz bilo kojih razloga.
5. San.
6. Gubljenje svijesti, ma koliko trajalo i bez obzira na razlog.
7. Glasno smijanje u namazu.

Pitanja:

1. Šta je abdest?
2. Šta kvari abdest?



PODNE-NAMAZ



PODNE-NAMAZ se klanja kad sunce pređe polovinu neba i traje sve do ikindija-namaza.

Podne-namaz ima 10 rekata, i to: 4 sunneta, 4 farza i 2 sun-sunneta.

Zanijeti se ovako:

(4 rekata sunneta) NEVEJTU EN USALLIJE LILLAHI TEALA SALATE SUNNETIZ-ZUHRI EDAEN MUSTAKBILEL KIBLETI ALLAHU EKBER

(4 rekata farza) NEVEJTU EN USALLIJE LILLAHI TEALA SALATE FARDIZ-ZUHRI EDAEN MUSTAKBILEL KIBLETI ALLAHU EKBER

(2 rekata sun-sunneta) NEVEJTU EN USALLIJE LILLAHI TEALA SALATE SUN SUNNETIZ-ZUHRI EDAEN MUSTAKBILEL KIBLETI ALLAHU EKBER

	SUNNET	FARZ	SUN-SUNNET
1. rekat	Subhaneke Euzubillah Bismillah El-Fatiha Jedna sura	Subhaneke Euzubillah Bismillah El-Fatiha Jedna sura	Subhaneke Euzubillah Bismillah El-Fatiha Jedna sura
2. rekat	Bismillah El-Fatiha Jedna sura	Bismillah El-Fatiha Jedna sura	Bismillah El-Fatiha Jedna sura
Sjedi se i uči	Ettehijjatu	Ettehijjatu	Ettehijjatu, salavati i dova
3. rekat	Bismillah El-Fatiha Jedna sura	Bismillah El-Fatiha	
4. rekat	Bismillah El-Fatiha Jedna sura	Bismillah El-Fatiha	
Sjedi se i uči	Ettehijjatu, salavati i dova	Ettehijjatu, salavati i dova	

Pitanja:

- 1. Kada se klanja podne-namaz?*
- 2. Koliko podne-namaz ima rekata?*
- 3. Kako se zanijeti sunnet, kako farz, a kako sun-sunnet podne-namaza?*
- 4. Šta se uči na trećem i četortom rekatu kod sunneta podne-namaza?*
- 5. Šta se uči na trećem i četortom rekatu kod farza podne-namaza?*
- 6. Kada se uči samo Ettehijjatu, a kada i salavati i dova?*

IKINDIJA-NAMAZ



IKINDIJA-NAMAZ se klanja kad Sunce nagne prema zapadu i traje do akšam-namaza. Ikindija-namaz ima 8 rekata, i to: 4 sunneta i 4 farza.

(4 rekata sunneta se zanijeti ovako)

NEVEJTU EN USALLIJE LILLAHI TEALA SALATE SUNNETIL ASRI EDAEN
MUSTAKBILEL KIBLETI ALLAHU EKBER

(4 rekata farza se zanijeti ovako)

NEVEJTU EN USALLIJE LILLAHI TEALA SALATE FARDIL ASRI EDAEN
MUSTAKBILEL KIBLETI ALLAHU EKBER

	SUNNET	FARZ
1. rekat	Subhaneke Euzubillah Bismillah El-Fatiha Jedna sura	Subhaneke Euzubillah Bismillah El-Fatiha Jedna sura
2. rekat	Bismillah El-Fatiha Jedna sura	Bismillah El-Fatiha Jedna sura
Sjedi se i uči	Ettehijjatu, salavati	Ettehijjatu
3. rekat	Subhaneke Euzubillah Bismillah El-Fatiha Jedna sura	Bismillah El-Fatiha
4. rekat	Bismillah El-Fatiha Jedna sura	Bismillah El-Fatiha
Sjedi se i uči	Ettehijjatu, salavati i dova	Ettehijjatu, salavati i dova



Pitanja:

1. Koliko ikindija-namaz ima rekata?
2. Kako se zanijeti sunnet, a kako farz?
3. Šta se uči na trećem i četvrtom rekatu kod sunneta ikindija-namaza?
4. Šta se uči na svakom trećem i četvrtom rekatu kad klanjamo farze?
5. Kada se uči samo Ettehijjatu, a kada i salavati na ikindija-namazu?

RAMAZANSKI POST



Ramazan je deveti mjesec u islamskom kalendaru. Ramazanski post je treći islamski šart. To je za muslimane sveti mjesec, jer je u njemu počela objava Kur'ana.

Post je ustezanje od jela, pića i drugih tjelesnih uživanja od zore (sehura) do zalaska Sunca (iftara). Ako se nešto u zaboravu pojede ili popije, to ne kvari post, uz uvjet da vjernik s time prestane čim se prisjeti da posti. Postiti je dužan svaki musliman, punoljetan, zdrav, koji nije na putovanju i žena ukoliko nije u stanju hajza i nifasa. Postiti nije dužan nemusliman, maloljetna osoba, bolesnik i putnik. Posta je oslobođena i žena koja je u stanju hajza i nifasa. Djeca (maloljetne osobe) se mogu navikavati da poste nekoliko dana, ali nisu dužni sve dok ne postanu punoljetni. Kada ženi prođe hajz i nifas, bolesnik kada ozdravi i putnik kada završi putovanje, napostit će propuštene dane. Ukoliko osoba neopravdano ne posti dane u ramazanu ili namjerno pokvari post, onda je obavezna da isposti bez prekida dva hidžretska mjeseca, plus namjerno propuštene dane posta. Ako osoba opravdano ne posti i pripada osobama koje su oslobođene posta, ona će kada bude u prilici napostiti onoliko dana koliko je propustila.

Allahov poslanik, a.s, je rekao:

Onaj ko isposti mjesec ramazan, vjerujući i očekujući Allahovu, dž.š., nagradu, bit će mu oprošteni prošli grijesi.

Dobro je djelo organizirati iftar za prijatelje, rodbinu, siromašne i sl.

Muslimani se trude u toku ramazana mnogo učiti i studirati Kur'an, po uzoru na Muhammeda, a.s. Ramazanski post završava se Ramazanskim bajramom.

Dova za početak posta:

***NEVEJTU EN ESUME GADEN FERIDATEN
MIN ŠEHRI RAMADANE LILLAHI TE'ALA.***

Odlučih, u ime Allaha, da postim ovaj dan mjeseca ramazana.

Dova za iftar:

***ALLAHUME INNI LEKE SUMTU, VE BIKE
AMENTU, VE'ALEJKE TEVEKKELTU VE BI
RIZKIKE EFTARTU.***

Allahu moj, radi Tebe postim, u Tebe vjerujem, u Tebe se uzdam, iz Tvoga obilja se iftarim.

Pitanja:

1. Šta je ramazan, a šta post?
2. Ko je dužan, a ko nije dužan postiti?
3. Kako i na koji način se mogu napostiti propušteni dani?
4. Šta je Poslanik, a.s., rekao za one koji poste?
5. Kada završava ramazanski post?
6. Nauči dove za početak i završetak posta!



ZEKAT – SADAKA



Riječ zekat je arapska riječ koja označava čišćenje. Zekat je četvrti islamski šart.

KO DAJE ZEKAT?

Zekat su dužni dati oni muslimani i muslimanke koji posjeduju imovinu u vrijednosti nisaba.

ŠTA JE NISAB?

Nisab je dostignuta količina imetka na koju je obaveza podijeliti zekat, tj. očistiti imetak. Vrijednost nisaba u zlatu je 61,90 grama, a u srebru 641,50 grama. U nisab se ne ubraja imovina koja služi za osnovne potrebe, kao naprimjer, kuća za stanovanje sa potrebnim namještajem, auto, zemlja, alat kojim se služimo da bi zaradili za osnovne potrebe, stručne knjige i slično.

KOME SE DAJE ZEKAT?

Zekat se daje u Islamsku zajednicu u Fond bejtu-l-mal. Islamska zajednica na osnovu propisanih kategorija u Kur'anu raspoređuje prikupljeni iznos. Onima koji daju zekat Allah, dž.š., je obećao nagradu.

KOME SE NE DAJE ZEKAT?

Zekat se ne može davati bračnom drugu, nemuslimanu niti rodbini u uzlaznoj i silaznoj liniji, jer su jedni druge dužni uzdržavati. Muhammed, a.s., je rekao:

Ko klanja namaz, a ne dijeli zekat, on nema ni namaza.

KAD SE DAJE ZEKAT?

Može u toku cijele godine, ali se obično daje uz ramazan, jer su tada ljudska srca najmekša i najdarežljivija. Daje se 2,5% u novcu ili robi. Islamska zajednica u BiH u toku godine po određenim propisima određuje visinu nisaba u novcu.

SADEKATU-L-FITR ili **VITRE** je novac koji se daje isključivo u toku ramazana da očisti postača od ružna i nepristojna govora u toku posta, ali i kao zahvalnost na blagodatima koje je Allah, džellešanu, dao postačima u mubarek mjesecu ramazanu.

Obaveza davanja sadekatu-l-fitra spada na sve osobe koje imaju dovoljno imetka u ramazanu i koje mu preteču preko njegovih vlastitih potreba. Roditelji će dati vitre i za svoju maloljetnu djecu. Vitre se također daju u Islamsku zajednicu u Fond bejtu-l-mal.

Pitanja:

1. Šta znači riječ zekat i šta je to?
2. Ko daje zekat?
3. Šta je nisab?
4. Kome se daje zekat?
5. Kome se ne daje zekat?
6. Kad se daje zekat?
7. Šta je sadekatu-l-fitr?



SURA EL-KAFIRUN

بِسْمِ اللّٰهِ الرَّحْمٰنِ الرَّحِیْمِ
قُلْ نَا اِيْمًا الْكٰفِرُوْنَ لِاَعْبُدْ
مَا تَعْبُدُوْنَ وَلَا نُنْعِبُكُمْ
اَعْبُدْ وَلَا نُنْعِبُكُمْ
وَلَا نُنْعِبُكُمْ
وَلَا نُنْعِبُكُمْ
لَكُمْ دِيْنُكُمْ وَلِي دِيْنِ

BISMILLAHI-R-RAHMANI-R-RAHIM
KUL JA EJJUHEL KAFIRUN
LA E'ABUDU MA T'ABUDUN
VE LA ENTUM ABIDUNE MA E'ABUD
VE LA ENE ABIDUN MA ABEDTUM
VE LA ENTUM ABIDUNE MA E'ABUD
LEKUM DINUKUM VE LIJE DIN

Prijevod:

U ime Allaha, Milostivog, Samilosnog!

Reci:

O vi nevjernici,

ja se neću klanjati onima kojima se vi klanjate,
a ni vi se nećete klanjati Onome kome se ja klanjam;
ja se nisam klanjao onima kojima ste se vi klanjali,
a i vi se niste klanjali Onome kome se ja klanjam,
vama – vaša vjera, a meni – moja!

JACIJA-NAMAZ



JACIJA-NAMAZ se klanja kad se potpuno smrkne.

Ima 10 rekata, i to: 4 sunneta, 4 farza i 2 sun-sunneta.

Kod nas je običaj da se poslje jacije odmah klanja i vitr-namaz. To je, inače, poseban namaz koji je vadžib klanjati, i najbolje ga je obaviti u ponoć.

Sunnet se zanijeti ovako:

NEVEJTU EN USALLIJE LILLAHI TEALA SALATE SUNNETIL IŠAI EDAEN
MUSTAKBILEL KIBLETI ALLAHU EKBER

Farz se zanijeti ovako:

NEVEJTU EN USALLIJE LILLAHI TEALA SALATE FARDIL IŠAI EDAEN
MUSTAKBILEL KIBLETI ALLAHU EKBER

Sun-sunnet se zanijeti ovako:

NEVEJTU EN USALLIJE LILLAHI TEALA SALATE SUN SUNNETIL-IŠAI EDAEN
MUSTAKBILEL KIBLETI ALLAHU EKBER

	SUNNET	FARZ	SUN-SUNNET
1. rekat	Subhaneke Euzubillah Bismillah El-Fatiha Jedna sura	Subhaneke Euzubillah Bismillah El-Fatiha Jedna sura	Subhaneke Euzubillah Bismillah El-Fatiha Jedna sura
2. rekat	Bismillah El-Fatiha Jedna sura	Bismillah El-Fatiha Jedna sura	Bismillah El-Fatiha Jedna sura
Sjedi se i uči	Ettehijjatu	Ettehijjatu	Ettehijjatu, salavati i dova
3. rekat	Subhaneke Euzubillah Bismillah El-Fatiha Jedna sura	Bismillah El-Fatiha	
4. rekat	Bismillah El-Fatiha Jedna sura	Bismillah El-Fatiha	
Sjedi se i uči	Ettehijjatu, salavati i dova	Ettehijjatu, salavati i dova	

VITR-NAMAZ



Vitr-namaz se obično klanja odmah poslije jacijskog sun-sunneta, iako ga je, po mogućnosti, bolje klanjati kasnije.

Vitr-namaz ima tri rekata, a zanijeti se riječima:

NEVEJTU EN USALLIJE LILLAHI TE'ALA SALATE-L-VITRI
EDA'EN MUSTAKBILE-L-KIBLETI ALLAHU EKBER.

Na prva dva rekata vitr-namaza učimo isto kao i na svim drugim namazima na prva dva rekata.

Na prvom sjedenju učimo Ettehijjatu do salavata, a onda ustanemo na treći rekat, na kojem učimo: Bismillu, Fatihu i jednu suru.

Zatim podignemo ruke, kao na početku namaza, i izgovorimo tekbir, ALLAHU EKBER, te proučimo Kunut-dovu.

Ko ne zna Kunut-dovu, može učiti i Rabvena atina fi-d-dunja haseneten...

Poslije Kunut-dove, učinimo ruku' i sedždu te na sjedenju proučimo: Ettehijjatu, salavate i dovu i predamo selam.



Pitanja:

- 1. Koliko jacija-namaz ima rekata?*
- 2. Kada se klanja jacija-namaz?*
- 3. Kako se zanijeti sunnet, farz, sun-sunnet i vitr?*
- 4. Šta se uči na trećem i četortom rekatu kod sunneta jacije?*
- 5. Šta se uči na prvom, a šta na drugom rekatu sun-sunneta?*
- 6. Koliko vitr-namaz ima rekata?*
- 7. Šta se uči na trećem rekatu kod vitr-namaza?*
- 8. Kada se uči samo Ettehijjatu, a kada i salavati i dova na jacija-namazu? Naučiti posebno za sunnete, farz, sun-sunnet i vitr.*

BOŽIJE KNJIGE VE KUTUBIHI



Islamsko vjerovanje sastoji se od šest temeljnih istina vjere, a zovemo ih imanski šarti.

Treći imanski šart je VE KUTUBIHI, što znači:

„Ja vjerujem u Božije knjige, kitabe.“

Božije knjige (kitabi) su objave koje su ljudima prenosili Božiji poslanici, a dobivali su ih od Allaha. U objavama su sadržane upute, savjeti i propisi o životu ljudi i obavljanju vjerskih dužnosti koje je Allah, dž.š., slao narodima da ih opomene i odvraća od loših djela i nasilja koja su uništila mnoge civilizacije.

Posljednja Božija knjiga (kitab) je uzvišeni Kur'an, koji je dostavljen Muhammedu, a.s., da bude putokaz ljudima kako bi bili sretni na ovom i budućem svijetu.

Najpoznatija su nam četiri velika kitaba – knjige:

Tevrat, objavljen Musau, a.s.

Zebur, objavljen Davudu, a.s.

Indžil, objavljen Isau, a.s.

Kur'an, objavljen Muhammedu, a.s.

Govoreći o poslanicima i knjigama, Allah, dž.š., kaže:

I prije tebe smo poslanike slali i žene i porod im davali. I nijedan poslanik nije donio nijedno čudo svojom, već Allahovom voljom. Svako doba imalo je Knjigu. Allah je dokidao što je htio, a ostavljao što je htio; u Njega je Glavna knjiga. (Er-Rad, 38. i 39)

Allah, dž.š., još kaže:

Prije tebe nijednog poslanika nismo poslali, a da mu nismo objavili:

Nema boga osim Mene, zato se Meni klanjajte! (El-Enbija, 25)

Kur'an je pečat i kraj svih objava, kao što je poslanstvo Muhammeda, a.s., pečat svih poslanstava.

Pitanja:

1. Ponovi imanske šarte!
2. Koja su četiri velika kitaba (svete knjige)?
3. Šta su to Božije svete knjige?
4. Koja je posljednja Božija knjiga?



BOŽIJI POSLANICI VE RUSULIHI



Četvrti imanski šart glasi Ve rusulih – vjerujem u Allahove poslanike – pejgambere.

Božiji poslanici bili su odabrani ljudi kojima je Allah, džellešahu, slao svoje Objave da ih dostave i objasne ljudima.

Božijih poslanika bilo je mnogo, a u Kur'anu ih je spomenuto dvadeset pet.

Najpoznatiji Božiji poslanici su: Adem, Nuh, Ibrahim, Musa i Muhamed, a.s. Prvi čovjek i poslanik na Zemlji bio je Adem, a.s., a posljednji poslanik bio je Muhammed, a.s.

Kad se spomene ime Božijeg poslanika, treba reći „alejhis-selam“, što znači: „Allah ga blagoslovio!“ Riječ „alejhis-selam“ piše se skraćeno „a.s.“.

Svojstva Božijih poslanika – pejgambera su:

Sidk – uvijek su istinu govorili;

Emanet – bili su povjerljivi, pouzdani i pošteni;

Tebliğ – tačno i potpuno su dostavljali i objašnjavali ljudima Božije objave;

‘Ismet – bili su čisti od grijeha i

Fetanet – bili su pametni i oštroumni.

Pitanja:

1. Ko su to Božiji poslanici?
2. Koliko je u Kur'anu spomenuto poslanika?
3. Koji su najpoznatiji poslanici?
4. Koja su svojstva Božijih poslanika?

ADEM, A.S.



Kad nije postojalo ništa, bio je Allah.

Allah je odlučio da stvori svemir, koji i mi danas poznajemo.

Allah je stvorio zvijezde, Sunce, Mjesec, Zemlju i sve planete.

Na Zemlji je stvorio sve okeane, šume, planine, rijeke, drveće i cvijeće.

Onda je stvorio čovjeka i nazvao ga Adem. Prvog čovjeka stvorio je od zemlje. Čovjek nije nastao od majmuna. Prvi čovjek nema ni oca ni majke, već ga direktno Allah stvara po principu „budi i on biva.“ Zatim je Allah stvorio i prvu ženu, koja se zvala Havva.

Adem i Havva su bili prvi bračni par i od njih se razvija čovječanstvo, jer su ljudi i žene bića iste vrste, stvoreni u parovima muško-žensko.

Adem, a.s., je bio posebno Allahovo stvorenje. Allah mu je dao pamet kojom je mogao misliti i birati. Dao mu je i srce kako bi mogao osjećati i voljeti.

Allah je „udahnuo dušu u njega“ i dao mu jedno specijalno mjesto gdje će živjeti i to mjesto se zvalo džennet.

Džennet znači „bašta“.



Adem, a.s., je u džennetu imao sve što mu je trebalo i tamo je sretno živio. Poseban dar koji je Allah dao Ademu, a.s., bilo je znanje. Allah je Adema, a.s., podučio imenima „svih stvari“.

Poslije počinjenog grijeha na koji ih navede šejtan, Adem, a.s., i Havva su protjerani iz dženneta na Zemlju, ali su se odmah pokajali Allahu. Od tada čovjek živi na ovom svijetu i trudi se da čini i ima što više dobrih djela, a čuva se od grijeha, kako bi jednog dana, nakon smrti na ovom svijetu, zaslužio i vječno živio u džennetu.


Pitanja:

1. Ko je stvorio čovjeka i sve oko nas?
2. Kako se zvao prvi čovjek na Zemlji i od čega je stvoren?
3. Kako se zvala prva žena na Zemlji i od čega je stvorena?
4. Šta znači džennet?
5. Zbog čega su prvi čovjek i žena protjerani iz dženneta na Zemlju?
6. Na koji način će se ljudi vratiti u džennet?

NUH, A.S.

Nakon smrti Adema, a.s., njegova djeca su dugo godina slijedila vjeru islam. Iz poštovanja prema pobožnim ljudima, počeli su im praviti spomenike. Nakon što je prošlo mnogo vremena, počeli su zaboravljati propise vjere i počeli su se klanjati kipovima koje su sami bili napravili kao spomenike.

Allah je poslao Nuha, a.s., da ih pozove da ne obožavaju kipove. Nuh, a.s., je živio 950 godina. Njegov narod nije želio da se vrati u islam, iako je Nuh, a.s., cijeli svoj život proveo pozivajući svoj narod da se vrati vjerovanju u jednog Boga. Da ne bi slušali ono što im je Nuh, a.s., govorio, stavljali su prste u uši, a lica pokrivali odjećom.



Allah je naredio Nuhu, a.s., da pravi lađu. Narod mu se smijao, a neki su mu se rugali i vrijeđali ga jer pravi lađu na mjestu gdje uopće nije bilo vode.

Jednog dana Allah je sa neba spustio obilnu kišu. Voda je sve potopila. U lađi se nalazio Nuh, a.s., sa svojim vjernim prijateljima. Na lađu je Nuh, a.s., ukrcao i parove svih životinja. Oni koji nisu povjerovali Nuhu, a.s., i koji nisu htjeli ući u njegovu lađu bili su potopljeni.

Nakon duge plovidbe Allah, dž.š., je naredio zemlji da upije vodu, a nebu da zaustavi kišu. Lađa se zaustavila na brdu zvanom El-Džudijj. Sve se polahko vratilo u normalno stanje, muslimani su sada mogli mirno da žive, dok su se životinje ponovo raširile po Zemlji.

Nuh, a.s., se u Kur'anu spominje na mnogo mjesta, čak je i jedna cijela sura nazvana po njemu. Allah je primjer Nuha, a.s., ostavio kao pouku narodima kasnije.

Pitanja:

- 1. Ko je bio Nuh, a.s., i koliko je živio godina?*
- 2. Po čemu je poznat Nuh, a.s.?*
- 3. Kako se zvalo brdo gdje se lađa zaustavila?*
- 4. Šta se desilo sa narodom i životinjama koje su bile na Nuhovoj lađi?*

HADŽ

Hadž je peti islamski šart. Riječ hadž znači cilj, svrha, namjera. To je namjera i putovanje u Saudijsku Arabiju, grad Meku, s ciljem obavljanja određenih obreda, u određeno vrijeme i pod određenim uvjetima.

U obavljanju hadža muslimani imaju mnogo koristi, za ovaj i za onaj svijet. Na jednom mjestu se obavlja više ibadeta, kao što su:


1. Oblačenje ihrama.
2. Obilazak oko Kabe (tavaf).
3. Hodanje između Safe i Merve (s'aj).
4. Boravak na Arefatu i Muzdelifi.
5. Bacanje kamenčića i boravak na Mini.
6. Klanje kurbanda.
7. Brijanje glave ili skraćivanje kose.
8. Često spominjanje Allaha, dž.š., i priželjkivanje Allahovog, dž.š., oprost.

Nagrada za ispravno obavljen hadž je oprost svih grijeha i džennet.

Osoba koja obavi hadž naziva se hadžijom.

Pitanja:

1. Šta je hadž?
2. Šta se sve obavlja na hadžu, nabrojati!
3. Koja je nagrada za ispravno obavljen hadž?
4. Kako se zove osoba koja obavi hadž?



SURA EL-MA'UN

سُورَةُ الْمَاعُونِ

بِسْمِ اللَّهِ الرَّحْمَنِ الرَّحِيمِ
أَرَأَيْتَ الَّذِي يُكَذِّبُ بِالْإِيمَانِ ﴿١﴾ فَذَلِكَ الَّذِي
يَدْعُ الْيَتِيمَ ﴿٢﴾ وَلَا يَحْضُ عَلَىٰ طَعَامِ الْمِسْكِينِ ﴿٣﴾
فَوَيْلٌ لِلْمُصَلِّينَ ﴿٤﴾ الَّذِينَ هُمْ عَنْ صَلَاتِهِمْ سَاهُونَ
﴿٥﴾ الَّذِينَ هُمْ يُرَاءُونَ ﴿٦﴾ وَيَمْنَعُونَ الْمَاعُونَ ﴿٧﴾

BISMILLAHI-R-RAHMANI-R-RAHIM
EREEJTELLEZI JUKEZZIBU BID-DIN
FE ZALIKEL-LEZI JEDU UL-JETIM
VE LA JEHUDDU ALA TAAMIL-MISKIN
FE VEJLUN LIL-MUSALLIN
ELLEZINE HUM AN SALATHIM SAHUN
ELLEZINE HUM JURAUNE
VE JEMNEUNEL-MAUN

Prijevod:

U ime Allaha, Milostivog,
Samilosnog!

Znaš li ti onoga koji onaj svijet
poriče? Pa to je onaj koji grubo
odbija siročce, i koji da se nahrani
siromah – ne podstiče. A teško
onima koji, kada molitvu
obavljaju, molitvu svoju kako
treba ne izvršavaju, koji se samo
pretvaraju i dijeljenje pomoći sprečavaju.





Islamska zajednica Bošnjaka u Švedskoj
Adresa: Åkerssjövägen 10, 46153 Trollhättan

Tfn: 0520 499064 | Mobil: 076 310 2447

E mail: kontakt@izb.se
www.izb.se